



Medietilsynet
NORWEGIAN MEDIA AUTHORITY

Tilskot til lokale lyd- og bildemedium 2017

Søknadsfrist 20. desember 2016

Med atterhald om Stortingets budsjettvedtak kunngjer vi tilskot til lokale lyd- og bildemedium 2017.

Tilskotsordninga har som hovudmål å bidra til mediemangfald, yringsfridom og å styrkje den demokratiske funksjonen til dei lokale lyd- og bildemedia i samfunnet.

Halvparten av midlane skal øyremerkjast digitalisering av lokalradio.

Målgruppe

Lokalkringkastingskonsesjonærar og registrerte kringkastarar som hovudsakleg tilbyr innhald retta mot eit lokalt publikum, kan få tilskot. I tillegg er det ein søknadskategori for nasjonale samanslutningar for lokale lyd- og bildemedium og ein for anleggskonsesjonærar i digitale lokalradionett.

Type tilskot

1. Investeringstilskot til digitalisering av lokalradio
2. Driftstilskot til nasjonale samanslutningar for lokale lyd- og bildemedium
3. Driftstilskot til lokalradioar for etniske og språklege minoritetsgrupper
4. Prosjekttilskot til lokale programproduksjonar
5. Prosjekttilskot til kompetansehevande tiltak
6. Prosjekttilskot til utviklingsprosjekt

1. Investeringstilskot til digitalisering av lokalradio

a) Investeringstilskot til bygging av digitale radionett

Berre anleggskonsesjonærar for lokale og digitale kringkastingsnett kan søkje om investeringstilskot i denne søknadskategorien. Anleggskonsesjonærar som tilbyr eller kan inngå langsiktige og forpliktande leigeavtalar, vil bli prioriterte.

Vi vil prioritere prosjekt som

- inkluderer eit mangfald av lokalradioar i regionen
- satsar på utbygging i område med avgrensa kommersielt utbyggingsgrunnlag
- satsar på samarbeid mellom anleggskonsesjonærar og lokale radiostasjonar
- har gode dekningsambisjonar og har konkrete og realistiske planar for gjennomføring

b) Investeringstilskot til digitalisering av lokalradiostasjonar

Berre lokalkringkastingskonsesjonærar og registrerte kringkastarar kan søkje om investeringstilskot i denne søknadskategorien. Investeringstilskot kan blant anna nyttast til leigeforpliktingar/avtale om sending i eit digitalt lokalt radionett (se pkt. a).

Vi vil prioritere prosjekt som har

- gode planar for samarbeid med anleggskonsesjonærar
- konkrete og realistiske planar for gjennomføring

2. Driftstilskot til nasjonale samanslutningar for lokale lyd- og bildemedium

Følgjande generelle kriterier vil bli lagt vekt på ved behandling av søknader om tilskot:

- Tal på medlemmer
- Eigarmessig mangfald blant medlemmene
- Organisasjonen sitt aktivitetsnivå basert på budsjett og dokumenterte aktivitetar

Ein organisasjon kan maksimalt motta EUR 200 000 i tilskot frå offentlege tilskotsordningar over ein periode på tre rekneskapsår.

3. Driftstilskot til lokalradioar for etniske og språklege minoritetsgrupper

For å få driftstilskot til lokalradioar er det eit vilkår at radioen i all hovudsak rettar seg mot etnisk-språklege minoritetar. Kvalifiserte radioar kan få eit minimumstilskot på 25 000 kroner. Tilskotet skal maksimalt utgjere 50 prosent av dei totale inntektene til radioen baserte på rekneskapen for i fjor.

Ein radio kan maksimalt få 50 000 kroner per tilskotsår i denne søknadskategorien. Ein organisasjon kan maksimalt motta EUR 200 000 i tilskot frå offentlege tilskotsordningar over ein periode på tre rekneskapsår.

4. Prosjekttilskot til lokale programproduksjonar

Berre lokalkringkastingskonsesjonærar og registrerte kringkastarar kan søkje om tilskot til programproduksjonar. Programproduksjon som inngår som ein del av den løpande programverksemda, vil normalt ikkje inngå i denne tilskotsordninga. Med det meiner vi faste programpostar, nyheiter og liknande. Tilskot kan bli gitt til dokumentarar, seriar i ulike sjangrar, høyrespel, underhaldning, konkurransar og liknande som er lokalt forankra.

Ein programproduksjon kan maksimalt få 250 000 kroner per prosjekt per tilskotsår i denne søknadskategorien.

Nyskapande idéar vil bli prioriterte.

5. Prosjekttilskot til kompetansehevande tiltak

Berre lokalkringkastarar eller registrerte kringkastarar kan få tilskot til kompetansehevande tiltak. Målet er at det kompetansehevande tiltaket skal tilføre organisasjonen kvalitetsmessige forbetringar. Tilskot kan for eksempel gå til kurs, studiereiser og seminarverksemd. Det kan maksimalt bli gitt 100 000 kroner per prosjekt per tilskotsår i denne søknadskategorien.

Søknader om kvalitetsmessige forbetringar innan journalistikk, mediekompetanse, teknisk kompetanse og liknande vil bli prioriterte.

6. Prosjekttilskot til utviklingsprosjekt

Berre lokalkringkastingskonsesjonærar og registrerte kringkastarar kan søkje om stønad til denne tilskotskategorien. Med utviklingsprosjekt meiner vi tiltak som stimulerer til aktivitet som aukar den programmessige kvaliteten og bredda. Dette inkluderer blant anna:

- organisasjonsutvikling
- utvikling av nye lokale programkonsept
- utvikling av nye redaksjonar
- ulike samarbeidstiltak – blant anna vil samarbeidsprosjekt mellom ulike stasjonar bli vurderte positivt

Eit prosjekt kan maksimalt få 100 000 kroner per tilskotsår i denne søknadskategorien, og prosjektet skal på sikt kunne bli drive uavhengig av stønad frå Medietilsynet.

Nyskapande idéar vil bli prioriterte.

Søknadsskjema og søknadsbehandling

Det elektroniske søknadsskjema vil du finne på våre nettsider frå medio oktober. Før du loggar deg inn på søknadsskjemaet bør du ha følgjande klart:

- konsesjons- eller registreringsnummer dersom du er kringkastar
- organisasjonsnummer
- fullstendig søknad/prosjektframstilling
- budsjett og finansieringsplan

Frist for innsending er 20. desember 2016. Fullstendig søknad/prosjektframstilling og budsjett/finansieringsplan skal lastast opp i det elektroniske skjemaet.

Du som søker om driftstilskot skal leggje ved

- rekneskap for 2015 (ev. for 2016 om det er ferdig)
- budsjett for 2017

Du som søker om drifttilskot til nasjonale samanslutningar for lokale lyd- og bildemedium skal også leggje ved fullstendig søknad/prosjektframstilling.

Logg deg inn på skjemaet via ID-porten. ID-porten er ei felles innloggingsløyising til offentlege tenester på nett og tilbyr sikker innlogging ved bruk av elektronisk ID.

Du kan velje mellom fem alternativ for elektronisk ID når du skal logge inn:

- MinID
- BankID
- Buypass
- Commfides
- BankID på mobil

Meir informasjon om ID-porten finn du på <http://www.idporten.no>

Etter at vi har mottatt skjemaet og vedlegga, treff Medietilsynet vedtak etter innstilling frå Fagutvalet for tilskot til lokale lyd- og bildemedium. Søknaden blir vurdert ut frå faglege og økonomiske kriterium og blir gitt som eit rundsumstilskot, fastsette etter ei skjønsmessig vurdering av kva som er eit rimeleg bidrag frå staten. Det blir stilt krav om minimum 20 prosent eigendel. Du kan vente svar på søknaden i februar 2017.

Til orientering omfattar støtteordninga *ikkje* audiovisuelle bestillingstenester og podcastar. Dette skuldast at prioriteringa av midlar til digitalisering av lokalradio inneber at dei andre kategoriane vil måtte finne seg i ein reduksjon og at ein som følgje av utvidinga av ordninga til stønad til digitalisering, kan vente ein auke i tal på søknader.

Tilskot til lokale lyd- og bildemedium blir gitt som bagatellmessig stønad. Det rettslege grunnlaget for løyving av bagatellmessig stønad er gitt i forskrift av 14.november 2008 nr. 1213 om gjennomføring av EØS-reglar om unnatak frå notifikasjonsplikt for enkelte former for offentlig stønad. Den nemnde forskrifta gjennomfører Kommisjonsforordning (EU) nr. 1407/2013, publisert i EU-tidend den 24.12.2013 (OJ L 352, 24.12.2013, s. 1-8).

For å kunne motta bagatellmessig stønad, blir kravd det at støttmottakar ikkje har motteke meir enn 200 000 euro over ein periode på tre rekneskapsår, jf. forordninga sin artikkel 3 anna punkt.